



Broj: 01.8-02-3106/21

Brčko, 14. 7. 2021. godine

Na osnovu članova 40 i 54 Poslovnika o radu Skupštine Brčko distrikta BiH — prečišćeni tekst (Službeni glasnik Brčko distrikta BiH, brojevi: 54/18, 17/20 i 24/20), a u skladu s članom 31 Zakona o izvršenju budžeta Brčko distrikta Bosne i Hercegovine za 2021. godinu (Službeni glasnik Brčko distrikta BiH, broj 04/21), Komisija za upravu i finansije Skupštine Brčko distrikta BiH na 7. sjednici održanoj 6. 7. 2021. godine i 14. 7. 2021. godine, donosi:

O D L U K U

o načinu raspodjele sredstava donacija Skupštine Brčko distrikta BiH

Član 1 **(Predmet)**

Ovom odlukom utvrđuju se namjena, nadležnost za dodjelu, kriteriji, način i postupak raspodjele, vođenje evidencija i kontrola utroška sredstava Skupštine Brčko distrikta BiH predviđenih u Budžetu Brčko distrikta BiH za 2021. godinu za tekuće donacije pojedincima i neprofitnim organizacijama.

Član 2 **(Namjena)**

- (1) Sredstva iz člana 1 ove odluke mogu se dodjeljivati za sljedeće namjene:
 - a) Jednokratne pomoći fizičkim licima za rješavanje stanja socijalne potrebe, liječenje, realizaciju vannastavnih aktivnosti studenata i aktivnosti s ciljem promovisanja ugleda Brčko distrikta BiH;
 - b) Jednokratne pomoći udruženjima, sponzorstva, odnosno pokroviteljstva, za realizaciju planiranih aktivnosti.
- (2) Socijalnom potrebom u smislu ove odluke smatra se trajno ili privremeno stanje u kome se nalazi određeno lice ili porodica prouzrokovano elementarnim nesrećama, opštom ekonomskom krizom, psihofizičkim stanjem pojedinca ili drugim razlozima koji se ne mogu otkloniti bez pomoći zajednice.

Član 3 **(Nadležnost za dodjelu jednokratnih pomoći)**

Predsjednik Skupštine Brčko distrikta BiH (u daljem tekstu: predsjednik) odlukom

dodjeljuje donacije na osnovu programa utroška sredstava iz člana 8 ove odluke.

Član 4 (Kriteriji koje moraju ispunjavati fizička lica)

- (1) Da bi mogli koristiti sredstva donacija fizička lica moraju ispunjavati sljedeće opšte kriterije:
 - a) da imaju prebivalište na teritoriji Brčko distrikta BiH;
 - b) da imaju tekući račun kod poslovne banke.

- (2) Pored opštih kriterija iz stava 1 ovog člana pojedinci moraju ispunjavati najmanje jedan od sljedećih posebnih kriterija:
 - a) da su u stanju socijalne potrebe kako je definisano članom 2 stavom 2 ove odluke;
 - b) da troškovi liječenja u potpunosti ne podliježu zdravstvenoj zaštiti u skladu s relevantnim propisima;
 - c) da učestvuju u programima razmjene studenata ili programima drugih vannastavnih aktivnosti od značaja za akademske studije;
 - d) da svojim djelovanjem promovišu ugled Brčko distrikta BiH kroz sportske, umjetničke, književne, naučno-istraživačke, kulturne i druge aktivnosti od značaja.

Član 5 (Kriteriji koje moraju ispunjavati udruženja)

Da bi mogli koristiti sredstva donacija udruženja moraju ispunjavati sljedeće kriterije:

- a) da su registrovani kod nadležnog suda u skladu s relevantnim propisima;
- b) da su ispunili obaveze i opravdali utrošak sredstava dodijeljenih za realizaciju programa, projekata ili aktivnosti od bilo kog budžetskog korisnika u Brčko distriktu BiH u prethodnoj godini;
- c) da imaju transakcioni račun u poslovnoj banci;
- d) da planirana aktivnost za čiju realizaciju podnose zahtjev za jednokratnu pomoć nije i neće biti finansirana ili sufinansirana od bilo kog budžetskog korisnika u Brčko distriktu BiH tokom 2021. godine.

Član 6 (Podnošenje zahtjeva)

- (1) Fizička lica podnose zahtjev za dodjelu jednokratne pomoći na propisanom obrascu uz koji su obavezni priložiti:
 - a) dokaz o prebivalištu na teritoriji Brčko distrikta BiH, odnosno potvrdu o prebivalištu izdatu od nadležnog organa ili fotokopiju lične karte koja ostaje uz zahtjev uz saglasnost podnosioca zahtjeva;
 - b) potvrdu banke o broju tekućeg računa kod koje podnosilac zahtjeva ima otvoren račun ili fotokopiju bankovne kartice ukoliko je na kartici naznačena cjelokupna instrukcija za plaćanje;
 - c) izjavu pod punom materijalnom i krivičnom odgovornošću na propisanom obrascu o materijalnom statusu podnosioca zahtjeva, odnosno porodice ukoliko zahtjev podnose za rješavanje stanja ili realizaciju aktivnosti iz člana 4 stava 2 tačaka a), b) i c) ove odluke, ovjerenu od nadležnog organa;
 - d) dokaz o zdravstvenom statusu podnosioca zahtjeva sa svom relevantnom dokumentacijom kojom se dokazuje ispunjenost kriterija iz člana 4 stava 2 tačke b) ove odluke, ukoliko podnose zahtjev za liječenje;

- e) dokaz o učešću u programima razmjene studenata ili programima drugih vannastavnih aktivnosti, ukoliko zahtjev podnose za realizaciju aktivnosti člana 4 stava 2 tačke c);
 - f) dokumentaciju kojom će se dokazati ispunjenost kriterija iz člana 4 stava 2 tačke d) ove odluke, ukoliko podnose zahtjev za realizaciju sportskih, umjetničkih, književnih, naučno-istraživačkih, kulturnih i drugih aktivnosti od značaja;
 - g) drugu relevantnu dokumentaciju kojom se dokazuje ispunjenost kriterija iz člana 4 ove odluke.
- (2) Udruženja podnose zahtjev za dodjelu jednokratne pomoći na propisanom obrascu uz koji su obavezni priložiti:
- a) kopiju rješenja o upisu u sudski registar i aktuelni izvod iz sudskog registra koji nije stariji od tri mjeseca;
 - b) kopiju potvrde o registraciji izdatu od nadležnog organa;
 - c) plan i program rada udruženja za 2021. godinu;
 - d) izjavu pod punom krivičnom i materijalnom odgovornošću na propisanom obrascu da su ispunili obaveze i opravdali utrošak sredstava dodijeljenih za realizaciju programa, projekata ili aktivnosti od bilo kog budžetskog korisnika u prethodnoj godini, ovjerenu od nadležnog organa;
 - e) izjavu pod punom krivičnom i materijalnom odgovornošću na propisanom obrascu da planirana aktivnost za čiju realizaciju podnose zahtjev za jednokratnu pomoć nije i neće biti finansirana ili sufinansirana od bilo kog budžetskog korisnika u Brčko distriktu BiH tokom 2021. godine.
- (3) Zahtjev iz stava 1 ovog člana podnosi se na obrascu (Obrazac 1) koji je sastavni dio ove odluke.
- (4) Zahtjev iz stava 2 ovog člana podnosi se na obrascu (Obrazac 2) koji je sastavni ove odluke.
- (5) Izjava iz stava 2 tačke d) ovog člana podnosi se na obrascu (Obrazac 3) koji je sastavni dio ove odluke.
- (6) Izjava iz stava 2 tačke e) ovog člana podnosi se na obrascu (Obrazac 4) koji je sastavni dio ove odluke.
- (7) Izjava iz stava 1 tačke c) ovog člana podnosi se na propisanom obrascu (Obrazac 6) koji je sastavni dio ove odluke.
- (8) Obrasci iz stavova 3, 4, 5, 6 i 7 ovog člana će biti dostupni na internet-stranici www.skupstinabd.ba.
- (9) Predsjednik će imenovati komisiju koja će vršiti kontrolu podnesenih zahtjeva za dodjelu donacija i dokumentacije propisane članom 6 ove odluke koja se dostavlja uz zahtjev.
- (10) Komisija iz stava 9 ovog člana će vršiti kontrolu podnesenih zahtjeva najmanje jednom mjesečno o čemu će sačiniti izvještaj koji će dostaviti predsjedniku.

Član 7 **(Iznosi jednokratnih pomoći fizičkim licima i udruženjima)**

- (1) Jednokratna pomoć fizičkim licima ne može biti veća od 500,00 (pet stotina) konvertibilnih maraka.
- (2) Jednokratna pomoć udruženjima ne može biti veća od 5.000,00 (pet hiljada) konvertibilnih maraka.

Član 8 **(Program utroška sredstava)**

- (1) Raspodjela sredstava donacija utvrđuje se programom utroška sredstva koji na prijedlog predsjednika Skupštine donosi skupštinska Komisija za upravu i finansije (u daljnjem tekstu: Komisija).
- (2) Obavezni elementi programa utroška sredstava su:
 - a) naziv programa,
 - b) pravni osnov dodjele sredstava,
 - c) svrha programa,
 - d) kriteriji za raspodjelu sredstava,
 - e) visina sredstava,
 - f) izvori sredstava,
 - g) korisnik sredstava,
 - h) rok u kome sredstva moraju biti utrošena,
 - i) način i kontrola utroška sredstava,
 - j) način i rok izvještavanja o utrošku primljenih sredstava.
- (3) Sredstva donacija ne mogu se dodjeljivati prije usvajanja programa utroška sredstava.

Član 9 (Izveštaji o utrošku sredstava)

- (1) Udruženja kojima su dodijeljena sredstva donacija dužna su predsjedniku Skupštine dostaviti izvještaj o namjenskom utrošku sredstava u roku od 30 dana od dana okončanja projekta odnosno programa.
- (2) Udruženja kojima su dodijeljena sredstva donacija koja se ne odnose na projekte, odnosno programe dužni su podnijeti izvještaj o namjenskom utrošku sredstava dodijeljenih u prethodnoj godini do dana podnošenja zahtjeva za nova sredstva, a najkasnije do 30. septembra tekuće godine za prethodnu godinu.
- (3) Izvještaj o utrošku sredstava sastoji se od tekstualnog i finansijskog dijela.
- (4) Tekstualni dio izvještaja o utrošku sredstava podnosi se na propisanom obrascu koji je u prilogu ove odluke (Obrazac 5) i koji će biti dostupan na internet-stranici www.skupstinabd.ba.
- (5) Finansijski dio izvještaja o utrošku sredstava sastoji se od kopija originalnih računa s pratećim otpremnicama i drugih propisanih računovodstvenih isprava, kao i kopija izvoda iz banke na kojima su vidljive promjene stanja po osnovu priloženih računa, virmana ili blagajničkih isplata kao dokaza da su plaćanja izvršena.
- (6) Korisnik sredstava je dužan da čuva originalnu finansijsku dokumentaciju, te da ih u slučaju potrebe, učini dostupnim za razmatranje i kontrolu od strane Komisije iz člana 10 ove odluke, bilo kog drugog lica koje ovlasti predsjednik Skupštine ili bilo kog drugog zakonom ovlaštenog organa.
- (7) Ukoliko udruženje ne dostavi izvještaj o utrošku sredstava i ne opravda dodijeljena sredstva u rokovima propisanim stavovima 1 i 2 ovog člana predsjednik Skupštine će zatražiti povrat cjelokupnog iznosa dodijeljenih sredstava na Jedinstveni račun trezora Brčko distrikta Bosne i Hercegovine u roku od 30 dana od dana kada se pisanim putem zatraži povrat sredstava, u suprotnom se pokreće postupak pred nadležnim organom protiv udruženja koje nije opravdalo dodijeljena sredstva.
- (8) Udruženjima koja ne dostave izvještaj o utrošku sredstava donacija i ne opravdaju sredstva ne mogu se ponovo dodjeljivati sredstva donacija Skupštine Brčko distrikta BiH sve dok ne

opravdaju prethodno odobrena sredstva.

- (9) Fizička lica kojima su dodijeljena sredstva donacija nisu dužna podnositi izvještaj o utrošku sredstava.

Član 10 (Nadležnost za kontrolu izvještaja o utrošku sredstava)

- (1) Kontrola izvještaja o utrošku sredstava donacija je u nadležnosti Komisije koju imenuje predsjednik Skupštine.
- (2) Komisija iz prethodnog stava vršit će kontrolu izvještaja o utrošku sredstava na osnovu dostavljene dokumentacije, a po potrebi, u svrhu odlučivanja o opravdanosti utrošenih sredstava može vršiti i dodatne kontrole.
- (3) O izvršenoj kontroli Komisija iz stava() ovog člana će sačiniti zapisnik koji će dostaviti predsjedniku Skupštine i Sektoru iz člana 11 stava 1 ove odluke.

Član 11 (Evidencije)

- (1) Sektor za administrativno-financijske poslove Stručne službe Skupštine vodi evidencije korisnika jednokratne pomoći koju predsjednik Skupštine dodjeljuje fizičkim licima i udruženjima.
- (2) Evidenciju iz stava 1 ovog člana čini evidencija o dodijeljenim jednokratnim pomoćima fizičkim licima i evidencija jednokratnim pomoćima udruženjima.
- (3) Evidencija iz stava 1 ovog člana sastoji se od najmanje sljedećih podataka:
 - a) ime i prezime/naziv korisnika koji je u tekućoj godini bio korisnik jednokratne pomoći;
 - b) naziv, broj i datum odluke o dodjeli jednokratne pomoći;
 - c) iznos jednokratne pomoći;
 - d) namjena korištenja jednokratne pomoći;
 - e) izvještaj o utrošku sredstava (datum podnošenja izvještaja, podatak kontroli izvještaja na osnovu zapisnika iz člana 10 stava 3 ove odluke.

Član 12 (Realizacija odluka)

- (1) Za realizaciju odluka predsjednika Skupštine zadužuje se Stručna služba Skupštine i Direkcija za finansije.
- (2) Stručna služba Skupštine će voditi evidenciju o utrošku i raspoloživosti sredstava donacija, o čemu će izvještavati predsjednika Skupštine.

Član 13 (Prelazne odredbe)

- (1) Stupanjem na snagu ove odluke stavlja se van snage Odluka o kriterijima, načinu i postupku dodjele sredstava grantova predsjednika Skupštine Brčko distrikta BiH, broj: 01.1-02-235/17 od 9. 3. 2017. godine i 30. 5. 2017. godine.
- (2) O zahtjevima podnesenim prije stupanja na snagu ove odluke odlučivat će se u skladu s ovom odlukom.

Član 14
(Stupanje na snagu)

Ova odluka stupa na snagu danom donošenja i objavit će se u Službenom glasniku Brčko distrikta BiH.

P R E D S J E D A V A J U Ć I
K O M I S I J E Z A U P R A V U I F I N A N S I J E
S e a d S o f t i ć